




СВЯТОЙ
ПРАВДНЫЙ
СИМЕОН
ВЕРХОТУРСКИЙ



АКАФИСТ
ЖИТИЕ

Коллектив авторов

**Святой праведный Симеон
Верхотурский. Акафист. Житие**

«Сибирская Благовонница»

2011

Коллектив авторов

Святой праведный Симеон Верхотурский. Акафист. Житие / Коллектив авторов — «Сибирская Благовонница», 2011

ISBN 978-5-457-14128-5

Симеон Верхотурский (Симеон Меркушинский; ок. 1607–1642) – святой Русской Православной Церкви, почитается в лике праведных. Это был действительно святой, богоугодный человек, ибо он обладал всеми нужными для того качествами. Согласно Житию, Симеон имел дворянское происхождение, но оставил дом и благочестивых родителей. Помятуя слова Спасителя: Иже хочет по Мне идти, да отвержется себе и возмет крест свой и по Мне грядет (Мф. 7, 34), он презрел все мирские удовольствия, пришел в Сибирь и стал вести жизнь странника. Он занимался ремеслом, старался всем помогать, ко всем питал любовь нелицемерную и в то же время поучал неокрепших в христианстве людей истинам Святой веры. По молитвам святого Симеона Верхотурского Господь являет нам благодатную помощь, утешение, укрепление, вразумление, врачевание душ и телес и избавление от лукавых и нечистых духов. Симеон Верхотурский почитается как небесный покровитель уральской земли. (Сведения о жизни Симеона подготовлены по изданию: «Избранные жития святых на русском языке, изложенные по руководству ЧЕТЫХ-МИНЕИ архиепископа Филарета Черниговского»).

ISBN 978-5-457-14128-5

© Коллектив авторов, 2011
© Сибирская Благовонница, 2011

Содержание

Акафист святому праведному Симеону, Верхотурскому чудотворцу	5
Конец ознакомительного фрагмента.	13

Святой праведный Симеон Верхотурский. Акафист. Житие

Акафист святому праведному Симеону, Верхотурскому чудотворцу



КОНДАК 1

Избранному и дивному новому Сибирския страны чудотворцу всерадостно ныне приносим ти, святе Симеоне, хвалебная пения; ты же, яко имея дерзновение ко Христу Богу, от всяких нас бед свободи, да зовем ти:

Радуйся, Симеоне, чудотворче предивный.

ИКОС 1

Ангел во плоти и небесный человек явился еси, блаженне Симеоне, ангельски бо в мире сем пожил еси, темже и ангельстии чини удивишася непорочности твоего жития и, по преставлении твоём, с веселием прияша праведную твою душу; сего ради и мы, чудящиеся высоте твоей добродетели, прославляем тя сице:

Радуйся, яко свято и Богоугодно на земли пожил еси;

Радуйся, яко подвигом добрым zde подвизався, течение свое праведно скончал еси.

Радуйся, яко ныне преселился еси в покоища небесная;

Радуйся, яко во обителях премирных, яже уготова Бог любящим Его, на нескончаемыя веки водворяешься.

Радуйся, яко Царь царствующих прият тя в Небесное Царствие;

Радуйся, яко присно со Ангелы на небеси обитаеши.

Радуйся, яко с пророки и апостолы вселяешься.

Радуйся, яко с постники и преподобными торжествовати сподобился еси.

Радуйся, яко предстоиши ныне со всеми святыми Престолу Божию.

Радуйся, яко Пресвятую Троицу несредственно зрети сподобляешься.

Радуйся, яко неизреченную славу Господню явственне созерцаеши;

Радуйся, яко тоя причастника быти удостои тя Господь.

Радуйся, Симеоне, чудотворче предивный.

КОНДАК 2

Видя вдовицу zelo плачущую, якоже бо тогда умилосердився, и изнемогшу телом и бывшу близ конечнаго издыхания и очима нимало зрети могущу, явився исцелил еси, сице и о мне умилосердися, угодниче Божий, и от многих грехопадений немощствующее тело мое исцели и душу мою ко спасению настави, да в радости воззову к Богу песнь: Аллилуия.

ИКОС 2

Разумети хотящу архиерею Сибирския страны имя твое, егда обретен быша святых твоих мощи, ты в видении явлься ему, о имени своем возвестил еси; он же, удивився чудеси и прославив Бога, похвальные глаголы вещая, вопияше тебе сице:

Радуйся, великий праведниче Божий, в чудесех просиявый;

Радуйся, целебниче недугов всем, призывающим тя с верою.

Радуйся, яко и прежде прошения помощью предваряеши;

Радуйся, яко и недоумевающих о прославлении нетленных мощей твоих чудесы твоими вразумил еси.

Радуйся, яко разслабленных укрепил еси;

Радуйся, яко слепым прозрение даровал еси.

Ра́дуйся, хромым хождение устрояя;
Ра́дуйся, от беснующихся бесов отгнателью.
Ра́дуйся, скорбных утешителю;
Ра́дуйся, нищих и убогих покровителю.
Ра́дуйся, православных утверждение;
Ра́дуйся, ересей посрамление.
Ра́дуйся, Симеоне, чудотворче предивный.

КОНДАК 3

Сила Вышняго утверди́ ты в житии́ твоём святóm; и ты подви́зался еси́ о спасении́ души́ твоея́, трудами́ бо и воздержанием увядил еси́ плотския́ страсти́ и в непреста́нных моли́твах твоих всегда́ зывал еси́ к Бо́гу: Аллилу́ия.

ИКОС 3

Име́яй милосе́рдие мно́гое, о призыва́ющих ты с ве́рою при́сно мо́лишися к Бо́гу, у Него́ же равноа́нгельным житие́м твоим великое дерзновение стяжал еси́; не презри и нас, недостойных, тре́бующих твоей по́мощи, и яко дары, прими́ от нас песнь сию́:

Ра́дуйся, яко вся, елика просиши от Бо́га, да́рует ти Госпо́дь;
Ра́дуйся, яко молитвы твои́ о нас, якоже кадило благовонное, от Бо́га прие́млются.
Ра́дуйся, яко возжа́да душа́ твоя́ к Бо́гу кре́пкому;
Ра́дуйся, Христа́ еди́наго возлюбивый.
Ра́дуйся, яко невозвратным желанием последовал еси́ Ему́;
Ра́дуйся, добродетельное житие́ всегда́ имевый.
Ра́дуйся, возненавидевый страсти́ мира́ се́го.
Ра́дуйся, малове́ременнаго утешения́ на земли́ не иска́вый.
Ра́дуйся, смиренномудрием украсивыйся.
Ра́дуйся, твёрдый а́даманте и сто́лпе непоколебимый прило́ги вра́жиими.
Ра́дуйся, яко нетлением тело́ твоё прослав и Госпо́дь.
Ра́дуйся, яко от гроба́ твоего́ и персть прие́млющии исцеля́ются.
Ра́дуйся, Симеоне, чудотворче предивный.

КОНДАК 4

Бу́ря недоумения́ смущает мя, како́ возмогу́ досто́йно воспети́ чудеса́ тво́я, блаже́нне Симеоне, кто́ бо мно́гих чудотворений твоих дары́ по досто́йству изрещи́ может? Оба́че и аз дивно́ в тебе́ прославля́ющемуся Бо́гу вопи́ти дерзаю́: Аллилу́ия.

ИКОС 4

Слы́шавше, блаже́нне и предивне Симеоне, о вели́чии чудес тво́их, яко моли́твами твоими́ су́щих в беда́х и скорбех предваряеши, скоро́ от них избавля́я, вопие́м тебе́ такова́я:

Ра́дуйся, избавление́ наше́ от печале́й и скорбей;
Ра́дуйся, яко твоим предста́тельством да́руется духо́вная благода́ть всем, с тёплой ве́рою к тебе́ притека́ющим.
Ра́дуйся, яко твоими моли́твами ко́зни нечи́стых ду́хов побеждены́;
Ра́дуйся, яко и неве́дущим, и неслы́шавшим о прославлении́ твоём исцеление́ подае́ши.

Ра́дуйся, я́ко це́лебныя да́ры всю́ду то́чиши;
Ра́дуйся, я́ко страну́ Сиби́рскую прісно присе́щаеши.
Ра́дуйся, ско́рый оби́димых засту́пниче;
Ра́дуйся, су́щим в лю́тых обстоя́ниих пособо́ниче и предста́телю.
Ра́дуйся, малоду́шныя утеша́яй;
Ра́дуйся, недужным крѣ́пкое исправле́ние.
Ра́дуйся, плененным ско́рое свобождѣ́ние;
Ра́дуйся, грѣ́шным ко спасѣ́нию наставле́ние.
Ра́дуйся, Симео́не, чудотворче предивный.

КОНДАК 5

Пресвѣ́тлая звезда́ явился еси́, праведный Симео́не; су́щих бо во тьме у́мныя о́чи озаря́я свѣ́том Ева́нгелия Христо́ва и избавля́я заблуждших от се́тей зми́евых и от всех кова́рств его́, научил еси́ я благодарственно и всера́достно с ли́ки святы́х ко Христу́ Бо́гу вопи́ти: Аллилу́ия.

ИКОС 5

Ви́девше в жити́и твоём, блаже́нне, духо́вных по́двигов твои́х высо́кая исправле́ния, вся́кий разум уди́вляющая, прославля́ем давшего ти такую́ благодать Бо́га, тебе же хвале́бными гласы́ си́це вопие́м:

Ра́дуйся, я́ко юро́д быв Христа́ ра́ди, высоту́ смиренному́дрія стяжа́л еси́;
Ра́дуйся, я́ко странник и пришелец на земли́ обрелся еси́.
Ра́дуйся, я́ко ны́не гражда́нином небе́сным бы́ти на несконча́емыя ве́ки сподо́бился еси́;
Ра́дуйся, я́ко незлобивый а́гнец в терпѣ́нии твоём был еси́.
Ра́дуйся, я́ко крото́стию ко озлобля́ющим тя зе́млю живых насле́довал еси́;
Ра́дуйся, чи́стыми ду́шу и те́ло твоѣ сохрани́вый, и ны́не чи́стым се́рдцем зри́ши Бога.
Ра́дуйся, я́ко му́дрою мы́слию утверди́вый ду́шу твою́ во спасѣ́ние;
Ра́дуйся, я́ко с невозвратно́ю наде́ждою благ вѣчных предста́вился еси́ к Бо́гу.
Ра́дуйся, я́ко десна́го стоя́ния со избра́нным сосудо́м удосто́ился еси́;
Ра́дуйся, я́ко не скры́л еси́ тала́нта, вверѣ́ннаго ти Бо́гом.
Ра́дуйся, благо́й рабе́ и ве́рный, вше́дый в ра́дость Го́спода своего́;
Ра́дуйся, я́ко ны́не утеша́ешься, яко́же дре́вний о́ный ева́нгельский Лаза́рь, на ло́не Авраа́мли.
Ра́дуйся, Симео́не, чудотворче предивный.

КОНДАК 6

Пропове́дника богоноснаго Па́вла веща́ние и глаго́лы исполня́я, Симео́не свя́те, юро́дственное Христа́ ра́ди на земли́ пожи́л жити́е, и боле́зни мно́гия претерпева́я, всегда́ благодарственны́я Бо́гу возсыла́л еси́ хвалы́, си́це глаго́ля Ему́: Аллилу́ия.

ИКОС 6

Воссия́л еси́ ве́лие просвещѣ́ние свѣ́лостию чудѣ́с твои́х, праведный Симео́не, от свя́таго гроба́ твоего́ непреста́нно истека́ющих, и тем далѣ́че отгна́л еси́ тьму ере́сей и раско́лов

от окрестных мест, идеже в правове́рии и благоче́стии подви́злся еси́ и в нетле́нии телеси́ почитаеши; мы же, чудя́щися сим, взыва́ем ти сице:

Ра́дуйся, я́ко явился во стране́ Сиби́рстей кре́пкий защи́тник правосла́вия проти́ву развра́тников и ху́льников Христо́вы Це́ркве;

Ра́дуйся, я́ко и ны́не бо́рющимся с ни́ми усердны́й посо́бник обрета́ешься.

Ра́дуйся, проти́вников святы́я Це́рквы посра́мителью.

Ра́дуйся, злых волко́в от ста́да Христо́ва отгна́телю.

Ра́дуйся, облекы́йся во ору́жие света;

Ра́дуйся, лука́вствующих обли́чителю.

Ра́дуйся, правосла́вных тихое приста́нище;

Ра́дуйся, путеше́ствующих благо́е поспе́шение.

Ра́дуйся, я́ко и от мно́гия ску́дости твое́й разумева́л еси́ на ни́ща и убо́га;

Ра́дуйся, я́ко ми́лостив быв при жи́зни, благо́твориши всем тре́бующим и по сме́рти.

Ра́дуйся, я́ко избра́л еси́ добра́я, еже Бо́га ра́ди тружда́тися;

Ра́дуйся, я́ко на тебе́ испо́лнися сло́во подви́жническое, боле́зненно, еже тружда́тися, но блаже́нно восприя́тие.

Ра́дуйся, Симео́не, чудотво́рче предивны́й.

КОНДАК 7

Хотя́щу не́коему челове́ку от мно́гих врачей исцели́тися от о́чных боле́зни, и егда́ ничто́же успе́, прибеѓшу к тебе́, врачу́ безме́здному, ты о́чи его́, напо́лнены кро́вию и зрети́ не могу́щая, персти́ю внеза́пу исцели́л; он же возра́довался, благодаря́ше тя и, прославля́я Бо́га, рече́: Аллилу́ия.

ИКОС 7

Дивна́ тя показа́ нам Творе́ц и Госпо́дь всех чудотво́рца: егда́ бо нетле́нием просла́ви те́ло твое́, тогда́ и земля́ не скры́ гроб твой и яви́ всем нам, я́ко многоце́нное сокрови́ще; те́мже и мы чудя́щися вопием ти сице:

Ра́дуйся, цве́те нетле́нный, в стране́ Сиби́рстей прекра́сно процветы́й;

Ра́дуйся, до́блй подви́жнице благо́честия, во гра́де Верхоту́рstem возсия́вый.

Ра́дуйся, я́ко явля́ешься а́ки дре́во живото́ное, от него́ же недугу́ющие получа́ют исцеле́ние;

Ра́дуйся, я́ко предста́тельством твои́м пред Бо́гом, а́ки ветвь благосенноли́ственная, покрыва́еши нас.

Ра́дуйся, я́ко до́бре вкорени́лся еси́ в вертогра́де Христо́вы Це́ркве;

Ра́дуйся, я́ко обильные пло́ды добродете́лей прине́сл еси́ Бо́гу.

Ра́дуйся, я́ко пи́еши ны́не во́ду живото́ную от неисчерпа́емаго исто́чника безсме́ртia;

Ра́дуйся, заблудши́х наста́вниче.

Ра́дуйся, я́ко каю́щимся в согреше́ниях испро́шаеши от Бо́га прощ́ение.

Ра́дуйся, всех бла́гих нам от Него́ ходата́ю.

Ра́дуйся, я́ко све́тлую оде́жду чистоты́ и целому́дрия до́бре сохра́нив, вшел еси́ в черто́г небе́сный.

Ра́дуйся, я́ко чи́стая душа́ твоя́ к ли́ку ева́нгельских му́дрых дев сопричте́ся и купно́ с ни́ми а́нгельски водворя́ется в небе́сном черто́зе Жени́ха Христа́.

Ра́дуйся, Симео́не, чудотво́рче предивны́й.

КОНДАК 8

Странное на земли житие пожив и удалився суетнаго мира, добродетельми к Богу приближил ся еси, сего ради высокоий Бог, видя твое смирение, возвеличи тя Своею благодатию; Егоже восхваляюще, поем Ему купно с тобою ангельскую песнь: Аллилуия.

ИКОС 8

Весь ум твой в вышний Иерусалим присно простирая, аще и телом на земли пребывал еси, вся красная мира сего возненавидел еси и равноангельское житие zde пожил, Симеоне блаженно, тем и от чтущих тя слышиши сия:

Радуйся, человеце Божий досточудный;

Радуйся, зеркало добродетелей преизящных.

Радуйся, переменивый тленная настоящая на будущая вечная;

Радуйся, уподобивыйся Иову терпением.

Радуйся, селение честное Святыя Троицы;

Радуйся, святче Божий, со всеми святыми прославляемый.

Радуйся, ковчеже, от потопа греховнаго призывающих тя спасающий;

Радуйся, яко услаждал еси сердце твое веселием будущих благ.

Радуйся, воздержанием плоть твою изнузивый;

Радуйся, яко святостию жития твоего милость Божию обрел еси.

Радуйся, яко непрестанными молитвами о нас Бога умилоствляеши.

Радуйся, яко благим надеждам твоим исполнение приял еси.

Радуйся, Симеоне, чудотворче предивный.

КОНДАК 9

Все множество человеческое удивися еже на земли во плоти твоему терпению и незлобию, непорочна и праведна ты зряще, и ныне милостивым твоим предстательством в скорбех нас не оставляющая; темже и мы, радуящиеся, к Богу поем песнь: Аллилуия.

ИКОС 9

Витии многовещанныя изнемогоша по достоинству поведати многое твое терпение и теплую ко Христу любовь; аз же, многогрешный, како возмогу изглаголати равноангельное твое житие и преславная чудеса! Но обаче дерзаю, надеясь на твое беззлобие, вопити тебе сице:

Радуйся, яко Ангелом подобяся, выну пушал еси на небо очи твоего сердца;

Радуйся, яко доблими твоими подвиги спасение и венец нетленный от Христа Бога приял еси.

Радуйся, яко на всяк день и на всяку ночь славословил еси Творца всяческих;

Радуйся, яко победил еси диавола смирением своим.

Радуйся, яко нищ телом и духом был еси на земли, сего ради уготова ти Господь Царство Небесное;

Радуйся, кротости ради твоей наследивый землю обетования.

Радуйся, яко и иных, зрящих твою святость, научил еси праведно жити;

Радуйся, яко душевныя страсти исцеляеши.

Ра́дуйся, я́ко телесны́я болéзньи врачéуеши;
Ра́дуйся, я́ко и многовре́менныя недуги от человек отгоня́еши.
Ра́дуйся, я́ко су́щим близ конéчнаго издыха́ния здравие да́руеши.
Ра́дуйся, я́ко и от смертоно́сных язв свобожда́еши;
Ра́дуйся, Симео́не, чудотво́рче предивный.

КОНДАК 10

Спасéние восхотéв да́ти Господь лю́дем Свои́м, свéтлаго свети́льника да́де всем нам тебе́, точа́ша благода́ть цельбы́ всем, притека́ющим к ра́це моше́й твоих; и мы, получивше мило́сть от тя, безме́зднаго врача́, благода́рными гласы́ восхваля́юще Бо́га, поём песнь: Аллилу́ия.

ИКОС 10

Стена́ еси́ ты и покров́ всем притека́ющим к тебе́, пра́ведный Симео́не, ибо Господь просла́ви тя, украсив нетле́нием и чудесы́ и пригла́шати тебе́ научи́:

Ра́дуйся, сто́лпе непоколебимый правосла́вия;
Ра́дуйся, сокрови́ще неоску́дное мно́гих исцелéний.
Ра́дуйся, пода́телю прося́щим у тебе́ я́же на по́льзу;
Ра́дуйся, уцеломудривый живу́щих студно́.
Ра́дуйся, наказáтелю помрачéнных умом;
Ра́дуйся, учителю́ смиренномудрия́ и терпе́ния.
Ра́дуйся, я́ко в со́ниях явля́ясь, науча́еши добро́му жити́ю;
Ра́дуйся, звездó, чудесно́ возсия́вшая в Сибирстей странé.
Ра́дуйся, я́ко лучами́ чудотворéний твоих просвеща́еши и далечайшия страны́;
Ра́дуйся, я́ко некогда́ незна́ем, ны́не же со сла́вою познава́ешися от всех ищущих тя.
Ра́дуйся, я́ко ры́барем бы́в, соделался еси́ ловце́м челове́ков.
Ра́дуйся, я́ко ходата́йством твоим к Бо́гу мук вéчных свобожда́еши нас.
Ра́дуйся, Симео́не, чудотво́рче предивный.

КОНДАК 11

Пéние умиленно́е приношу́ ти, ходата́йствуй за мя прісно́ к Бо́гу, душе́ю и тéлом от страстей, вою́ющих на мя, лю́те недугую́щаго, и пода́ждь ми моли́твами твоими́ исцелéние и грехов избавлéние, от сёрдца тебе́ сия́ принося́щему, да и аз в радости́ воспую́ прославля́ющему ты́ Богу́ песнь: Аллилу́ия.

ИКОС 11

Светопріёмную́ свéщу зрим ты́, богомудре́ Симео́не: невещéственным бо любвé огнём возже́глся еси́ и наставля́еши к божéственному дея́нию вся́ образом житія́ твоего́, я́ко зарею́, просвеща́я чувства́ наша; те́мже и досто́ин еси́ зва́нием почитáтися сим:

Ра́дуйся, луча́ пресвётлая, от Со́лнца Христо́ва возсия́вшая;
Ра́дуйся, свети́ло благоче́стия немерца́ющее.
Ра́дуйся, я́ко свет премудрости́ Божия́ просвети́ ду́шу твою́;
Ра́дуйся, я́ко вéчнаго сего́ свéта лучей́ чрез тебе́ и мы сподобля́емся.
Ра́дуйся, безме́здный врачу́;

Ра́дуйся, я́ко источа́еши оби́льныя стру́и исцелéний.
Ра́дуйся, благонаде́жный о нас предста́телю и моли́твенниче пред Престо́лом Госпо́д-
ним;

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.